



Komunikadu Imprensa
Tribunál Distritál Oekusi
08 Fevereiru 2019

Ministériu Públiku tenki foti medidas protesaun adekuada imediata ba alegasaun krime abuzu seksuál hasoru labarik sira iha Munisípiu Oekusi

JSMP husu ba Ministériu Públiku atu imediatamente tenke foti medidas protesaun adekuada ba alegasaan ne'ebé envolve pesoál ne'ebé diskonfia komete krime abuzu seksuál hasoru labarik orfonatu sira iha Munisípiu Oekusi.

Iha semana hirak ikus ne'e, iha notísia iha Jornal Tempo Timor ne'ebé fó-sai iha oron 01 Fevereiru 2019 <http://www.temptimor.com/justisa/212-hasai-padre-tanba-abuzu-seksual-ba-labarik-sira-iha-oecusse>, ne'ebé “diskonfia envolve elementu/pesoál Igreja ne'ebé nu'udar responsavel ba orfanatu ne'e hasoru labarik sira ne'ebé hela iha Uma Mahon/Orfanatu.” Aleinde ne'e, mídia list ETAN nian mós fó-sai hikas fali kazu hanesan iha loron hanesan no hetan reazem maka'as hosi mídia internasionál sira.

Tuir informasaun katak kazu ne'e hahú deskobre kedas ona desde meiadu tinan 2018 nia laran, maibé to'o agora Ministériu Públiku seidak halo prosesu investigasaun ruma hodi aplika medida protesaun hodi proteje labarik no comunidade sira.

“JSMP husu ba Ministériu Públiku atu foti medidas protesaun adekuadu hodi proteze vítima potenciál sira, hanesan prevene suspeitu atu halo kontaktu ka kontinua iha asesu ba fatin orfanatu ka uma mahon ne'e, prende dokumentu relevante hanesan passaporte atu evita suspeitu ses-an hosi prosesu, inklui aplika medida koasaun ne'ebé apropriadu ba kazu ne'e”, dehan Luis de Oliveira Sampaio, Diretór Ezekutivu JSMP.

Kazu ne'e diskonfia envolve figura ne'ebé tradisionálmente hetan respeitu boot tebes hosi comunidade. Situasaun ne'e dalabarak enkoraza comunidade no vítima sira atu nonok no la ko'alia sai kona-ba kazu ne'ebé afeita sira ninia direitu. Tanba ne'e JSMP rekomenda ba Prokuradór Jerál atu nomeia Prokuradór Repúblika ida hosi Dili ka juridisaun sira seluk atu bele apoiu investigasaun ba kazu refere. Alende ne'e JSMP rekomenda ba autór judisiariu sira atu asegura no halo tramentu ne'ebé sensibel ba vitima labarik menór liuhusi husu pergunta sira ne'ebé bele asegura vítima sira konfortabel hodi bele fó sira nia deklarasaun durante julgaentu.

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275
Telefone: 3323883 | 77295795
www.jsmp.tl

info@jsmp.minihub.org
Facebook: www.facebook.com/timorleste.jsmp
Twitter: @JSMPtl

JSMP mós rekomenda atu autór judisiál sira durante julgментu hasai sira nia toga, nune'e bele bele fó seguru no vítima sira sente konfortabel baihira hato'o sira nia dekarasaun.

Timor-Leste nu'udár Estadu-de-Direitu ne'ebé garante katak ema hotu-hotu hanesan iha lei nia oin. Atu garantia prosesu kazu ne'e la'o tuir prosedimentu legál no evita suspeitu hases-an hosi justisa ka kontinua halo influensia ba vítima sira, JSMP rekomenda ba Ministériu Públiku atu fó atensaun sériu hodi aplika medida koasaun ba suspeitu tuir lei haruka.

JSMP mós fiar katak prosesu investigasaun tenke la'o nafatin iha koridor legál no normas prinsípiu fundamentál sira hanesan prinsípiu "prezunsan ba inocente," direitu ba advogadu no defesa no prinsípiu báziku sira seluk. Maibé atu garante katak vítima sira hetan protesau ne'ebé adekuada Ministériu Públiku tenke hala'o ninia knaar ho efikas no asegura katak suspeitu tenke tuir prosesu ne'e ho justu no ses hosi presaun oioin. Tanba ne'e JSMP husu ba comunidade tomak atu fó konfiansa ba tribunál hodi hala'o sira nia serbisu, prosesa kazu ne'e tuir lei.

Iha Timor-Leste eziste ona organizasaun rede referál oioin hanesan ALFeLa (Asisténsia Legál ba Vítima Feto no Labarik sira), PRADET (Asisténsia Médiku no Akonsellamentu) no PNTL-VPU ne'ebé prontu iha kuálker tempu hodi responde ba kazu hanesan ne'e. JSMP enkoraja vítima ka família vítima sira atu útiliza servisu sira rede referál atu akompañá no fó asisténsia nesesáriu ba vítima no família vítima sira.

Atu hetan informasaun kle'an liután favor kontaktu:

Luis de Oliveira Sampaio

Diretór Ezekutivu JSMP

Telefone: 3323883

Email: luis@jsmp.tl

www.jsmp.tl